

長蘆鹽法志



鹽法志卷十七

人物

忠節

孝行

友義

文學

選舉

節孝

貞女

顯微聞幽史職也而鹽志特書之何也爲籍長蘆者勵也  
籍長蘆業長蘆者也苟業於是而惟思以生以遂不復問  
古今之懿德碩行不幾湮沒是籍乎特書之而使聞希由  
某者忠盡如是某者建白如是某者不愧科名文章學問  
如是卽至匹夫匹婦其孝義貞操又如是是不獨爲籍是  
者爭光也而長蘆有以存惇史矣志人物

忠節



王顯謨。天津人。任漳州同知。海寇破城被執。賊怒其不屈。埋其身露首餓死。事

聞。

贈按察司副使。廕姪元翰。官太和縣知縣。

周天命。天津人。任天津參將。順治初。土寇作亂。率兵往勦。血戰而死。事平。

贈恤官。其弟明命。都司經歷。

劉若鼎。字爾梅。號敬庵。鹽籍先世山西平陽人。業蘆。饑。遂家於滄州。性忠直。嗜讀書。康熙壬子。舉人。官御史。彈章直。



諫不避權勢。

聖祖嘉其敢言。尋擢光祿寺少卿。順天府丞。提調武闈。釐清諸弊。有題定場規著行。歷官二十八年。直聲著天下。歿祀鄉賢祠。

查禮。字恂叔。號儉堂。一號鐵橋。先世江西臨川人。父曰乾。遷居宛平。僑寓天津。業蘆蕩。禮幼敏於學。十五歲卽著詩名。博覽經史。由主事官廣西太平府知府。有惠政。士民爲建生祠。歷遷四川川北道。松茂道。會金川不法。大兵進剿。禮督運糧餉。率兵擊賊。擒寨首喇嘛等斬之。開修楸枿新。



道大輸帑餉奉

旨獎勵之。大兵凱旋，仍留綜理屯政。隨遷按察使，率獲寬番噶克朗忠，歷遷湖南巡撫，赴

闕謝

恩，因積勞瘵發，卒於京。

周大綸，字理夫，天津竈籍。父人龍，官江西糧道。大綸狀魁梧，高準且偲，忼慨負氣，納粟貢成均，授州同職，遵豫工例，改鹽課司大使，歷任福建、汧州場大使，改補興化府經歷。莆田縣縣丞，調彰化縣南投社縣丞，俸入不能養其孥，遣



歸里。子然在官。歲丙午。任滿。應調內。郡守檄赴嘉義勾當公事。嘉義者。故諸羅縣。以義民能勦賊。

朝廷嘉而名之也。主邑人葉友伯家。適臺匪林爽文倡亂。陷彰化。轉寇嘉義。大綸謂邑令曰。賊烏合耳。誓民登陴。出奇以截之。城未必陷。賊未必不滅。坐以待斃。無益。令方與一老幕相對泣。喻之不聽。城遂陷。在城諸官皆死。大綸乃與友伯潛募義勇。爲反正計。事泄。賊急索大綸。大綸曰。事不可爲矣。雖然。吾不可苟死。挺身出。賊勸大綸降。大綸亦諭賊降。賊脅以兵。大綸怒。詈曰。哈。賊匪。爾已罪惡貫盈。大兵



指日至。方將洞爾。賀擢爾筋。爾求爲溷中蛆。苟延旦暮。不可得。乃敢迨。

聖天子命官降耶。賊批大綸頰。大綸呼曰。吾官雖微。義不可辱於賊。撞柱。血被面。邊地而僵。賊知不可屈。以付其黨。乃臥繫於石。而懸其足於梁。友伯密懷餽餌。伺便以進。閱五晝夜。有來勸降者。輒詈之。會賊渠出。大綸自牖詈之。於是賊還坐聽事。列刃擁至。使跪。不屈。賊怒。斫大綸落足。拇指齒髮皆掠盡。詈益厲。乃縛赴校軍場。大綸北向叩首以謝。

聖恩復頓首曰。此謝吾親也。顏色不變。遂被害。僕有陳德者。紹興



人自大綸被囚。德左右之。磨之不肯去。及見大綸被害狀。德急以身護。曰。寧殺我。賊擊德仆地。奮起奪賊刀。奔斫賊渠。賊揮刃格之。臂與刀齊落。猶躍以頭撞賊。遂死。護刃下。時丙午十二月十二日也。友伯夜潛收大綸及德尸。坎瘞焉。官兵克復嘉義。有司求得尸所。以禮殮之。肌肉盡消而心不化。赤血殷然。人以爲異。事奏。

詔賜祭葬如例。子雲騎尉世職子琦。以負父骨渡海。遇風驚悸。遽疾卒於途。次子璠扶喪歸里襲職。歲丁未。

天子巡幸天津。俘臺匪至。賊渠有何有志者。卽害大綸者也。磔有



志時。大綸子姓。咸目覩焉。一時羣焉稱快。

章潮。字東源。號愚齋。世居浙。父樹僑。天津。遂家焉。潮生而穎異。讀書有識見。不屑屑於行墨間。嘗論讀聖賢書者。當效其行。非徒誦其言而已也。由國學生。屢試不第。援例官四川長壽縣尉。恤囚捕盜。奉職維謹。會嘉慶丁巳冬。邪匪滋事。突入縣境。猖獗蔓延。衆皆倉皇莫措。潮曰。區區小腆。安敢與

聖天子吏相抗衡耶。何懼爲。遂率衆糾兵。士民皆願以死從。潮奮戈直前。遇賊鬪。賊勢蜂擁。虜潮去。迫之降。潮怒詈曰。何



必多言。速殺我。速殺我。繫行三十里。潮罵不已。賊遂榜掠之。刳其腹。封其腸。挂於樹。死時。色揚揚如常事。聞。

皇上甚憫惜之。

詔賜祭葬如例。

恩準傳入。

國史。祀昭忠祠。子雲騎尉世職。子壽恩。扶喪歸。服闋襲職。



## 孝行

繆文璧字喚庭長蘆人早孤事母至孝跬步不忘母命母歿家貧不能葬會火延及薪去柩祇數尺文璧急躍入火中抱然薪出肌膚盡焦灼柩得全文璧遂仆絕踰宿忽覺有摩其胷者豁然甦創旬日皆復

母見節孝

韓大珮長蘆人涼州鎮總兵錡之子性篤孝家廟火大珮號蹕呼救遂入火中得先人畫像出復躍入既熄乃於燼中得大珮懷木主焦灼而死時年十七

孫明新天津人母病篤醫藥罔效明新剖股療之疾遂愈



後明新之猶子杰。疾幾殆。杰子亦刲股療愈。父疾人稱其一門孝友云。

劉鐸。字鳴遠。商籍歲貢。官廣寧訓導。父遇世初居陝。娶衛氏。無出而卒。遊天津。繼娶柳氏。生子鐸。鐸既長。父母相繼歿。鐸赴陝尋前母柩。扶歸而合葬焉。一生步趨維謹。言笑不苟。

張琯。原籍撫寧。自先世業鹺於蘆。遂爲天津人。祖霖。官福建藩司。父坦。舉人。官中書。受業於伯山趙執信。其家有一畝園。廣延一時名宿。後家漸貧。至不能歸先人葬。琯有至



性終其世以娛老親。不復問生事。長子映斗。庠生。承珪志。百計徒跣。往撫寧。遷祖母柩。至天津合祔焉。次子映辰。慨有幹略。歷游吳楚間。爲桐城方苞所器重。歸復恢舊業。立宗祠。修書院。贍族黨。人咸稱其孝義。薈萃於一家。映斗子虎拜。成進士。官宗人府主事。亦以孝聞。賦性誠慤。居官清慎。生平無矜浮氣。



友義

武廷豫字建侯。世居山西之大同。父中岳。明季以指揮管天津城守營。董修衛城。散家貲。建開設水門以防泛溢。尋擢遼陽都司。晚年家天津。業蘆鹺。子七人。廷豫其三也。由歲貢候補主事。承父志。推解無倦色。每歲臘及嚴冬雪夜。必率僕攜錢徧歷閭巷散給之。不使人知其名。津邑多火災。廷豫出貲備具。創立同善救火會。閭邑賴之。子三。宏彥官湖廣糧儲道。宏綱候選知縣。宏儒監生。

康從徵字懷宙。晉人。明季業鹺於蘆。遂家天津。性好義。不



苟於財。有同業者。寄貨貲數千金於徵。回晉久無耗。徵訪其人已死。召其子至津。盡歸之。

侯天順。天津人。業蘆鹺。家饒裕。性樂施濟。調恤親黨。率爲常津之北門外有庵。爲施茶地。歲久圯廢。天順卽其地重起舍宇。夏則設飲。冬則施粥。及絮衣。病者給藥。死者給槨。咸於庵取寄焉。見有枯骸之遺者。必拾而瘞之。西沽渡口舊祇一小舟。時有覆溺患。天順請於官爲浮橋。首築一船以爲倡。晝夜督勵。殫財力。卒其事不懈。

周達仁。廩生。浙江餘姚人。業鹺於蘆。遂家焉。明崇禎間。滄



州饑流亡載道達仁出米萬石構室千楹遂全活無算倡議呈請始立長蘆商學歿祀滄州鄉賢祠康熙二十八年以子彪貴贈明威將軍元孫自邠官高州府通判亦好行其德遇歲饑必倡議捐貲施賑率爲常

安尙義奉天人業離於蘆康熙五十年歲饑尙義設廠於南門外爲粥以食餓者繼十餘年不替全活無算子歧捐貲修築天津城池

劉垓涿州人監生業蘆饑性友愛兄弟六人亡者四一門孀孤垓周贍備至戚族婚葬之事皆依賴於垓京兆旌其



門曰。好是彝德。雍正九年。祀涿州忠義祠。

查日乾。字天行。宛平人。業鹺於蘆。遂家天津。好學。有經濟性。樂施。雍正癸卯。鹽使莽鵠立巡長蘆。釐剔諸弊。熱天行名召之。坐於堂而諮詢焉。天行口陳指畫。盡摠所見。凡匝月。釐然悉定。商民稱便。會乙巳夏。積雨患。民廬漂沒。天行請於有司。設廠煮賑。首捐貲。全活無算。又以環城隄岸險要。每有潰決之虞。乃條晰修築之法。陳之鹺使。鹺使飛章入。

告奉



旨允行。天行親督畚鍤終始之。甲寅津邑復被水。天行偕里中尚義者捐穀若干石。所救更多。總督上其事於

朝奉

旨議敘。又以子禮官巡撫復晉贈焉。

魏君舜。豐財場竈戶。少孤貧。以作苦家漸饒裕。曾雍正三年。鄉里有水患。漂沒廬舍。村中數十戶。咸欲外徙。君舜指困散給。慰留之曰。歲偶歉。宜安土守業。以待豐登。慎勿輕去其鄉也。明年歲大熟。鄉之人德之。皆來償所貸米數。君舜概辭不受。



劉子厚。僑居鄧善沽。業灘曬。貧而好施。鄰有鬻女者。旣而  
憤悔。夫婦投於水。漁人拯之。子厚爲極力轉丐贖之。歸。  
牛鍾瑞。山西人。父爽業。鹺於蘆。歲祲。鍾瑞承父命。出家穀  
八百斛施賑之。

趙瑛。增生。其先世武清人。聚族居者十餘世。爲大小趙家  
莊。後移家天津。隸興國場。竈籍。瑛性孝友。敦睦。於祖塋旁  
置地七十畝。以所入納通族竈丁之賦。勒諸碑文。永垂於  
後。

碑詳見藝文

高立。竈戶王某之僕。王家中落。立不忍棄之去。日擔水鬻



之以養主母終其身不倦。

周霖字雨蒼浙之紹興人佐業蘆鹺客京師嘉慶辛酉雨被水溢右安門外村廬漂沒居民困阨乏食京師官商紳士共捐貲備乾餼載筏散給之霖有主業者捐食若干霖攜往布散散將盡遙聞號救聲甚迫隔巨泊見攀樹登屋者皆急呼求食霖欲結衆筏往皆以爲大涉險不可去霖毅然曰彼餓者危急呼吸之際而忍膜視之耶且吾原爲施濟來雖險何畏乃大呼但願衆人生何惜一身死二語乘筏獨去僕從皆恐惱不肯從甫泛中流浪湧風颳竟遭



覆沒於水。篙師一人習水性。抱樹得生。主業者求其屍。十數日不得。後乃得之。於三十里外。平托沙岸。衣冠完整。顏色如生。見者咸憫其志。異其事云。



文學

徐兆慶順治戊子舉人薦舉博學鴻詞官山西潞安府推官著有紀遊集有叶堂集東林瑣言拙庵文稿

張雲字念藝號笨山撫寧人移居天津幼敏悟工書擅詩名由歲貢生官中書舍人累試不第遂杜門著書止結二三文字交著有欵乃書屋弋蟲軒星閣秦遊諸集

沈支炳字星巖富國場人幼穎悟有文名康熙丙辰進士官吏部觀政著有嘉蓮閣文集數十卷

龍震字文雷號東溟世居天津業蘆鹺有幹濟才振興家



業晚年退偃一室絕交遊著古今體詩四千餘首

張坦字逸峰先世撫寧人父霖官福建布政使後移居天津業雌遂家焉坦少穎悟好學康熙癸酉舉人官中書舍人著有履閣詩集喚魚亭詩文集弟璵同榜舉人官中書舍人亦能詩著有秦遊集二張合稿文集

查爲仁字蓮坡著有蔗堂未定稿詩集蔗塘外集游盤日紀蓮坡詩話子善和字東軒亦工詩著有東軒詩稿

查禮字恂叔號儉堂著有銅鼓書堂遺稿

周人龍字雲上號躍倉龍籍康熙己丑進士初任山西屯



留縣知縣。居官清勤。士民頌之。遷蒲州府知府。有政聲。官至江西糧道。著有居易堂文稿行世。弟人驥。字正囊。號蓮峰。雍正丁未進士。官四川學使。表揚節孝。取古賢孝節烈分圖列蹟刊布之。曰閨範類編。歷遷貴州巡撫。分廠煮粥。剔除漕弊。築海塘。植樹畜。禁左道。以及緝獲巨盜。清理滯案。諸大惠政。公事之暇。必拈題爲文吟詩。無虛日。著有香遠堂詩文集。蓮峰宦稿行世。

曹雲昇。浙江會稽人。商籍。乾隆丁巳進士。官湖南保靖縣知縣。著有碧梧堂文集。



金玉岡字西崑號芥舟。浙之會稽人。移家天津。性恬澹。喜遊梯山航海。徧歷山川。精繪事。善書工詩。有天台鴈蕩記遊一卷。浮槎詩一卷。

查昌業字立功。號次齋。先世浙之海寧人。昌業業蘆嶠。遂家天津。擅詩名。吟咏甚夥。著有林於館詩草。

張虎拜字嘯崖。著有妙香閣詩集。

徐都字式園。浙之仁和人。業蘆嶠。家天津。著有周易註養愚齋古文。

金銓字汝衡。號野田。天津附生。玉岡之族曾孫也。賦性冲



和不求名譽孝事母年六十餘一如孺子慕接物謙謫無  
急言遠色精書法斷章尺幅人爭惜之善奕工詩每吟成  
輒棄去曰不足傳亦不欲傳也以故留者僅數首晚年益  
貧落閉戶索居恬淡自甘卒年八十

陳普字少海浙之海寧人父雲浦業鹺於蘆家天津普幼  
穎悟七歲能詩有庭花弄燈影窗紙響秋蟲之句稍長精  
於數學有勾股撫言一卷聞父病由浙匆遽之天津日夜  
侍湯藥以是積勞卒年二十一兄學昕亦工詩文有鏤冰  
文集子安敝簏詩稿普死學昕悲痛哭以詩尋相繼卒



戴寬

嚴鎮場人。康熙庚辰科。官翰林院庶吉士。

周人龍

龍籍。康熙己丑科。官江西督糧道。互詳文學。

董怡

越支場人。康熙戊戌科。

劉所說

越支場人。雍正癸卯科。

王廷琬

雍正甲辰科。官翰林院編修。

張壘

商籍。雍正甲辰科。官昭文縣知縣。

周人驥

龍籍。雍正丁未科。歷官貴州巡撫。互詳文學。

金相

雍正丁未科。歷官內閣侍讀學士。

徐安民

雍正丁未科。官禮部祠祭司員外郎。



選舉

進士

李道昌

富民場人。順治丙戌科。官御史。巡按河南。

徐兆舉

順治丁亥科。官戶部山東司郎中。督理宣化鎮糧儲。廣州府知府。

趙奮霄

利國場人。順治乙未科。官丹徒縣知縣。

孟宗舜

順治己亥。恩科。歷官福建學道。祀萍鄉縣名宦祠。

沈支炳

富國場人。康熙丙辰科。官吏部觀政。互詳文學。

孫謙

滄州人。商籍。康熙丙辰科。官武進縣知縣。

孫躍

越支場人。康熙丁丑科。官禮部精鑄司郎中。



王玉衡 越支場人。嘉慶辛酉科。官宣化府教授。

董齊光 越支場人。嘉慶壬戌科。

陸樟 嘉慶壬戌科。



徐淳

雍正癸丑科。官戶部郎中。

朱嘉善

乾隆丙辰科。官刑部主事。

張毓善

商籍。乾隆丙辰科。榜姓。官翰林院庶吉士。

牛琳

乾隆丁巳。恩科。官翰林院庶吉士。

曹雲昇

會稽人。順天通州籍。乾隆丁巳。恩科。官保靖縣知縣。互詳文學。

周人麒

竈籍。乾隆己未科。官翰林院檢討。

徐浩

乾隆壬戌科。官山西冀寧道。

丁時顯

乾隆乙丑科。

張玉階

乾隆戊辰科。官兵部主事。



范清沂

乾隆戊辰科。官翰林院編修。

吳肇元

乾隆辛未科。官內閣侍讀。

秦百里

乾隆辛未科。官翰林院編修。

周隆謙

乾隆辛未科。官右玉縣知縣。

于豹文

乾隆壬申恩科。

查善長

宛平籍。乾隆甲戌科。官刑科給事中。巡視天津瓜儀漕務。

張湘

乾隆甲戌科。官餘干縣知縣。

解秉智

乾隆丁丑科。官安化縣知縣。

鄭熊佳

乾隆庚辰科。官樂昌縣知縣。



劉瑄

乾隆辛巳恩科官扶溝縣知縣

高喆

乾隆辛巳恩科官宣化府教授

馮高瑒

乾隆辛巳恩科

查瑩

海豐籍乾隆丙戌科官吏科給事中湖北學政

吳人驥

商籍乾隆丙戌科官東昌府同知

張虎拜

商籍乾隆己丑科歷官宗人府主事河南學政  
互詳孝行文學

王祿朋

乾隆己丑科官雲南迤東道

朱恒慶

乾隆壬辰科官安塞縣知縣

裴振

乾隆乙未科官亳州知州



繆琪

乾隆乙未科

王嵩齡

商籍乾隆戊戌科。官趙城縣知縣。

吳裕德

大興籍。乾隆戊戌科。官翰林院編修。

徐瀾

商籍乾隆庚子。恩科。官刑部山東司郎中。

徐汝澗

乾隆庚子。恩科。官屯留縣知縣。

孟牲康

永濟人。商籍乾隆辛丑科。官刑部郎中。沅州府知府。

金思義

乾隆辛丑科。官宜川縣知縣。

姚逢年

乾隆辛丑科。官太平府同知。

邵玉清

乾隆甲辰科。殿試一甲三名。官詹事府贊善。



查彬

乾隆甲辰科榜名曾印。官淇縣知縣。

齊嘉紹

乾隆庚戌科。官內閣典籍。

李泉

宛平籍。乾隆乙卯科。官平遙縣知縣。

高作霖

越支場人。乾隆乙卯科。官河間府教授。

金甌

嘉慶丙辰科。官萊蕪縣知縣。

孫鵬越

越支場人。嘉慶己未科。

沈士煜

嘉慶己未科。官昌邑縣知縣。

牛坤

嘉慶己未科。官戶部主事。

查訥勤

嘉慶辛酉科。官翰林院檢討。



舉人

李如桂

晉陽籍。順治戊子科。歷官浙江學道。山西布政使司參議。

徐兆慶

順治戊子科。薦舉鴻博。官潞安府推官。

陳繼美

鹽籍。順治辛卯科。官鹽城縣知縣。

牛日收

鹽籍。順治丁酉科。

艾天奇

石碑場人。康熙丙午科。

陳文璫

鹽籍。康熙己酉科。

劉若龍

鹽籍。康熙壬子科。歷官知縣。行取御史。大理寺少卿。互詳忠節。

楊昂

豐財場人。康熙辛酉科。



徐牧功

康熙丁卯科

張坦

康熙癸酉科官中書舍人

互詳文學

張堦

康熙癸酉科官中書舍人

互詳文學

楊見龍

阜財場人康熙丙子科

楊宗奇

阜財場人康熙己卯科

李維楹

富民場人康熙乙酉科

戴寅

嚴鎮場人康熙戊子科

徐俊民

康熙戊子科

查爲仁

康熙辛卯科第一名



時中 阜財場人。康熙癸巳恩科。

王汝言 嚴鎮場人。康熙甲午科。

劉炯 嚴鎮場人。康熙甲午科。

徐覺民 康熙甲午科。

楊珮 阜財場人。康熙庚子科。

高昶 嚴鎮場人。雍正癸卯科。

宋祐 商籍。雍正癸卯科。官漢中府同知。

于樸 雍正甲辰恩科。

曾淳 雍正甲辰恩科。



沈宏模

雍正丙午科

吳 鑰

越支場人。雍正乙卯科。官博野縣教諭。

陳永清

石碑場人。雍正乙卯科。官獲鹿縣教諭。

周思馮

商籍。雍正乙卯科。

孫際震

商籍。雍正乙卯科。

徐觀孫

雍正乙卯科。官武定府知府。

馮 禾

商籍。雍正乙卯科。官滿城縣教諭。

常克從

歸化場人。乾隆丙辰 恩科。

張鳳翥

商籍。乾隆丙辰 恩科。官唐縣教諭。



王進

商籍乾隆丙辰 恩科。

張掖

商籍乾隆丙辰 恩科。

胡輝烈

商籍乾隆丙辰 恩科。

金尙炳

商籍乾隆戊午科。

胡宗洙

商籍乾隆戊午科。

周人鵬

商籍乾隆辛酉科。

蕭連芳

豐財場人。乾隆辛酉科。

徐國松

乾隆辛酉科。

賀沈采

商籍乾隆辛酉科。

欽賜國子監學錄。



蕭湘

豐財場人。乾隆辛酉科。乙丑科明通榜。官香河縣教諭。

邢雲龍

乾隆辛酉科。

周鑑

乾隆甲子科。歷官鎮平縣知縣。

沈長仁

商籍。乾隆甲子科。

婁杰

乾隆甲子科。官商州知州。

王元聲

商籍。乾隆甲子科。

馬世杰

乾隆甲子科。官柏鄉縣教諭。

姚文坤

乾隆甲子科。官臨桂縣知縣。

畢懷圖

商籍。乾隆丁卯科。甲戌科明通榜。官景州學正。



劉愉

乾隆丁卯科官淮寧縣知縣。

陳仰曾

商籍乾隆丁卯科。

金世熊

乾隆庚午科官蘄州學正。

陸象樞

乾隆庚午科官密縣知縣。

朱綬

乾隆庚午科。

徐應熙

商籍乾隆庚午科。

于惠允

商籍乾隆庚午科。

楊敬書

商籍乾隆庚午科甲戌科明通榜官滿城縣教諭。

顧翼

商籍乾隆庚午科。



朱基

乾隆庚午科。甲戌科明通榜。官博野縣教諭。

孟永祐

乾隆壬申。恩科。官永平府教授。

徐汝槐

乾隆壬申。恩科。官磁州訓導。

李畹

商籍。乾隆壬申。恩科。

惲廷森

乾隆壬申。恩科。榜姓衛。官遵化州同。

段震

乾隆壬申。恩科。官臨榆縣教諭。

李湜

乾隆壬申。恩科。官沈邱縣知縣。

呂維勲

乾隆壬申。恩科。

孟永光

乾隆癸酉科。官葉縣知縣。



王雲書

商籍乾隆癸酉科。

楊伯壘

乾隆丙子科榜名秉鐸。

黃印

商籍乾隆丙子科官保德州知州。

路作

乾隆丙子科官姚州知州。

李玉藻

乾隆丙子科官武平縣知縣。

朱申慶

乾隆丙子科官清平縣知縣。

路昂

乾隆丙子科。

董柯

越支場人。乾隆丙子科官新城縣教諭。

常坦

濟民場人。乾隆己卯科官襄垣縣知縣。



徐大夏

乾隆己卯科。官賀縣知縣。

孟起

乾隆己卯科。官涿州學正。

董岱

乾隆己卯科。官荊門州州同。

金思誠

乾隆己卯科。官井陘縣訓導。

姜廷炳

乾隆己卯科。官宜黃縣知縣。

牛文山

乾隆庚辰。恩科。官當塗縣知縣。

常輝

濟民場人。乾隆庚辰。恩科。官奉賢縣知縣。

韓鈞

越支場人。乾隆庚辰。恩科。官良鄉縣訓導。

董顯忠

越支場人。乾隆庚辰。恩科。官饒陽縣教諭。



趙承祖

乾隆庚辰

恩科

于峨文

乾隆庚辰

恩科。官魚臺縣知縣。

陳風

乾隆庚辰

恩科。官高陽縣教諭。

邵瀚

乾隆庚辰

恩科。官浮山縣知縣。

王希曾

乾隆庚辰

恩科。官湖北知州。

陳禮

乾隆庚辰

恩科。

王學海

乾隆壬午科。官戶部郎中。寶泉局監督。

邵維賢

商籍。乾隆壬午科。官西和縣知縣。

董揆

越支場人。乾隆壬午科。



路孚

乾隆壬午科。

殷希文

乾隆壬午科。官長治縣知縣。

齊嘉孚

乾隆壬午科。官鉅鹿縣訓導。

牛稔文

乾隆乙酉科。官曹州府知府。

丁愷基

乾隆乙酉科。

董樓

越支場人。乾隆乙酉科。

李繼曾

越支場人。乾隆乙酉科。官唐縣教諭。

張奇毓

乾隆戊子科。官徐溝縣知縣。

查奕俊

乾隆戊子科。



洪道濟

乾隆戊子科。官建昌縣知縣。

陳惠言

乾隆戊子科。官延津縣知縣。

卜維吉

乾隆戊子科。官施南府通判。

杜兆基

商籍。乾隆戊子科。榜姓章。官御史。

邵利達

乾隆戊子科。欽賜國子監學正。

沈以顯

乾隆戊子科。官蓬萊縣知縣。

陳詠

乾隆戊子科。

潘德雋

商籍。乾隆庚寅。恩科。官易州學正。

查世俊

乾隆庚寅。恩科。官刑部郎中。



楊映台

商籍乾隆庚寅恩科榜姓張

秦槐

商籍乾隆庚寅恩科

章錦

乾隆庚寅恩科官刑部員外郎

韓宜調

乾隆辛卯科

王翬

乾隆辛卯科

郭履元

乾隆辛卯科官石首縣知縣

孫有章

乾隆辛卯科官涑水縣訓導

董攜

越支場人乾隆辛卯科

徐輝

乾隆甲午科官寧陽縣知縣



佟謹思

越支場人。乾隆甲午科。官代州知州。

曹召南

乾隆甲午科。官山西布政司庫大使。

趙崇嘏

乾隆甲午科。官新安縣訓導。

郭進

商籍。乾隆甲午科。

孫芳齡

商籍。乾隆甲午科。

朱有慶

乾隆甲午科。官南宮縣教諭。

王繼聲

商籍。乾隆甲午科。

王有年

乾隆丁酉科第一名。官會同縣知縣。

吳裕仁

乾隆丁酉科。官廣寧縣訓導。



宋思恭

商籍乾隆丁酉科官浦江縣知縣。

楊廷瑛

乾隆丁酉科官鳳陽府知府。

張梓蔭

乾隆丁酉科。

馬德驥

乾隆丁酉科官蔚州訓導。

陳居敬

乾隆丁酉科官柏鄉縣訓導。

劉向端

乾隆丁酉科。

朱兆慶

乾隆丁酉科。

汪靜滙

乾隆丁酉科。

查維城

乾隆丁酉科。



董載屋

越支揚人。乾隆己亥恩科。

王珥

乾隆己亥恩科。官永清縣訓導。

翟夢麟

乾隆己亥恩科。官開州學正。

王廷弼

商籍。乾隆庚子科。

郭長齡

豐財揚人。乾隆庚子科。

常克容

歸化揚人。乾隆庚子科。

徐汝雄

乾隆庚子科。

李玉溪

乾隆庚子科。官雲南試用知縣。

李炎

乾隆庚子科。官潁德州知州。



華蘭

乾隆庚子科官全椒縣知縣

馮智

乾隆庚子科

朱光觀

乾隆庚子科

朱書

乾隆癸卯科官邢臺縣訓導

李自超

越支場人乾隆癸卯科

丁紹謹

越支場人乾隆癸卯科

解秉彝

乾隆癸卯科官邯鄲縣教諭

王永齡

乾隆癸卯科

任棟

乾隆癸卯科



艾中蘄 石碑場人。乾隆癸卯科。

沈嶧 乾隆丙午科。

徐通復 乾隆丙午科。

張楷 乾隆丙午科。

陳敬思 乾隆丙午科。榜姓朱。官保安州學正。

賈鏊 乾隆丙午科。官高陽縣訓導。

陳和敬 乾隆丙午科。官行唐縣訓導。

任秉淳 商籍。乾隆丙午科。

孟詠 永濟人。商籍。乾隆丙午科。官平陸縣訓導。



金順之

乾隆丙午科

王槐

乾隆戊申科

董啟祥

乾隆戊申科官寧古塔學正

張玉懷

乾隆戊申科

魏青選

越支場人乾隆戊申科

胡秉忠

乾隆戊申科

徐煊

乾隆戊申科

解道倬

乾隆戊申科官江西候補知縣

趙治平

乾隆戊申科官撫寧縣教諭



吳裕智

乾隆戊申科

楊毓錦

乾隆己酉

恩科官甘肅候補知縣

宋文彬

乾隆己酉

恩科官山西候補知縣

韓大鯨

乾隆己酉

恩科官安州訓導

韓理

乾隆己酉

恩科

張玉綸

乾隆己酉

恩科

姚樹勲

越支場人乾隆己酉

恩科

姚徵

越支場人乾隆己酉

恩科

殷秉鋪

乾隆壬子科官扶溝縣知縣



徐 炳

乾隆壬子科官內閣中書

金紹驥

乾隆壬子科

韓士勵

越支場人乾隆壬子科

蘇大川

越支場人乾隆壬子科

董履坦

越支場人乾隆壬子科

朱 燾

乾隆甲寅 恩科

劉 楫

海豐場人乾隆甲寅 恩科

董 垸

越支場人乾隆甲寅 恩科

徐通泰

乾隆甲寅 恩科官河南候補知縣



解道峻 乾隆甲寅 恩科

邵 葵 乾隆甲寅 恩科官河南候補知縣

王 璈 乾隆乙卯 恩科

尹元龍 海豐場人乾隆乙卯 恩科

孫光恒 越支場人乾隆乙卯 恩科

董維垣 竈籍越支場人乾隆乙卯 恩科

隋 琳 嚴鎮場人乾隆乙卯 恩科

隋 琦 嚴鎮場人乾隆乙卯 恩科

王調元 越支場人乾隆乙卯 恩科



吳維翰 石碑場人。乾隆乙卯恩科。

徐通久 乾隆乙卯恩科。

孟廷玠 嘉慶戊午科。

祝掄元 嚴鎮場人。嘉慶戊午科。

常翼清 龍籍。濟民場人。嘉慶戊午科。

徐漢 嘉慶戊午科。官西華縣知縣。

田敏耕 龍籍。豐財場人。嘉慶戊午科。

高凌雲 龍籍。越支場人。嘉慶戊午科。

繆其球 嘉慶戊午科。



趙維周

嚴鎮場人嘉慶戊午科。

徐東理

嘉慶庚申恩科。

李廣滋

石碑場人嘉慶庚申恩科。

邵桓

嘉慶庚申恩科。

楊恒占

竈籍海豐場人嘉慶庚申恩科。

解道顯

嘉慶庚申恩科。

辛永祿

歸化場人嘉慶庚申恩科。

梅成棟

嘉慶庚申恩科。

董衡

竈籍歸化場人嘉慶庚申恩科。



董敬用

竈籍。越支場人。嘉慶庚申恩科。

欽賜國子

石汝諧

竈籍。石碑場人。嘉慶辛酉科。

張錦輝

嘉慶辛酉科。官候補知縣。

金開第

嘉慶辛酉科。

王有慶

嘉慶辛酉科。

孫述庭

竈籍。海豐場人。嘉慶甲子科。

張映煒

嘉慶甲子科。

曹泳

嘉慶甲子科。



貢生

李如桂

順治乙酉科拔貢。

牛奐

順治辛卯科拔貢。官楚雄府知府。

鄭鼐

越支場人。官鹽城縣知縣。

鄭松齡

越支場人。歲貢。官涼州府知府。

張允吉

利民場人。官鉅野縣知縣。

張又良

利民場人。官石泉縣知縣。

鄧先旦

利民場人。

鄧銜丹

利民場人。



高呈昭

嚴鎮場人。官昌黎縣訓導。

高愷

嚴鎮場人。官定興縣訓導。

陳善

嚴鎮場人。

李爾蔚

富民場人。

李爾蕙

富民場人。官東平州訓導。

趙蕃昌

海豐場人。官開原縣訓導。

蔡淦

海豐場人。官蘭陽縣縣丞。

賈徵

利國場人。

陳永清

石碑場人。



齊邦彥 阜陽場人。

田國潤 歸化場人。

李子銘 歸化場人。

牛彝 拔貢。官內宏文院中書舍人。

張霖 歲貢。歷官福建布政使。任主事。積功加十級。四代封一品。

牛琳 雍正己酉科副榜。

荀佐 商籍雍正乙卯科拔貢。

金義荆 商籍雍正乙卯科副榜。

邵滋 商籍雍正乙卯科副榜。官大理府通判。



趙綸

商籍雍正乙卯科副榜官威縣教諭

徐金楷

商籍乾隆戊午科副榜

丁超

乾隆戊午科副榜官定興縣教諭

趙承祖

乾隆甲子科副榜

楊伯燠

乾隆壬申恩科副榜

王繩祖

商籍乾隆壬申恩科副榜

金勇

乾隆丙子科副榜官鉅鹿縣教諭

鄭士超

乾隆丙子科副榜

張景煜

豐財場人乾隆己卯科副榜官寧化縣縣丞



朱晉

乾隆乙酉科拔貢。

李秉鉦

廣平人商籍。乾隆乙酉科拔貢。官寧津教諭。

牛稔文

乾隆乙酉科拔貢。

趙大綸

乾隆戊子科副榜。官浙江桐廬縣知縣。

孫洪勲

乾隆戊子科副榜。

顧贊

乾隆庚寅恩科副榜。

裴振

乾隆庚寅恩科副榜。

諸嵩年

乾隆辛卯科副榜。

沈峻

乾隆甲午科副榜。官吳川縣知縣。



劉訓

乾隆甲午科副榜

魏近思

乾隆甲午科副榜

劉向華

乾隆丁酉科副榜

陳鉅

商籍乾隆丁酉科副榜

楊秉鏞

乾隆丁酉科拔貢官寧德縣縣丞

鄒曰誠

乾隆丁酉科拔貢官山西候補縣丞

元璣

乾隆丁酉科拔貢

金圳

商籍乾隆己亥恩科副榜

徐漢

乾隆庚子科副榜



田可耕

豐財場人乾隆庚子科副榜。

徐灼

乾隆癸卯科副榜。

安鐸

石碑場人副榜。

孟廷玠

乾隆丙午科副榜。

樊宗清

乾隆丙午科副榜。官江蘇吳江縣丞候選知縣。

樊宗浩

乾隆丙午科副榜。官候選直隸州判。

張華文

嚴鎮場人乾隆丙午科副榜。

董啟祥

乾隆丙午科副榜。

梁承勲

乾隆戊申科副榜。



張靖

乾隆己酉科拔貢

楊毓錦

乾隆己酉科拔貢

胡詮

商籍。恩貢。

何宗培

石碑場人。恩貢。

劉鐸

商籍。歲貢。

郭鴻緒

商籍。歲貢。

張霖

歲貢。候補中書舍人。互詳文學。

徐琯

商籍。歲貢。

郭元豐

豐財場人。歲貢。



孟峒

歲貢官正定府學訓導

孟世統

歲貢官定州學訓導

孟世維

歲貢官廣昌縣訓導

孟廷臣

歲貢官順義縣訓導

孟廷揆

歲貢

董繩武

越支場人歲貢官束鹿縣訓導

董時憲

越支場人歲貢官任邱縣訓導

董時行

越支場人歲貢官高陽縣訓導

董時瑞

越支場人歲貢官冀州學訓導



王澄

歲貢

周南

歲貢

牛履坦

廩貢

徐然

廩貢。官萬安縣縣丞。

楊毓槐

商籍附貢。官戶部主事。

孟誥

永濟人。商籍附貢。官高安縣縣丞。

楊秉彝

商籍附貢。官湖口縣知縣。

楊秉軸

商籍貢生。官餘杭縣縣丞。

鄭松滋

越支陽人。貢生。官蘄州州判。



鄭源璣

越支場人貢生官河南布政使

鄭濟燾

越支場人貢生官松江府知府

董 勳

越支場人貢生官吳縣主簿

張銘範

石碑場人乾隆壬子科副榜

李 源

乾隆乙卯科副榜

張錦輝

嘉慶戊午科副榜

齊大年

嘉慶辛酉科拔貢

齊壽平

嘉慶辛酉科拔貢



武進士

劉士琳

鹽籍康熙庚辰科官靖邊營遊擊

孟澤厚

康熙丙戌科歷官膠州營都司

齊大勇

雍正庚戌科殿試一甲一名

崔裕德

商籍雍正癸丑科官守備

韓錡

商籍乾隆丙辰科第一名殿試一甲二名歷官涼州鎮總兵

馮哲

越支場人乾隆丁巳恩科殿試一甲三名官侍衛

章紳

商籍乾隆己未科歷官廣東提督

李煦

商籍乾隆己未科歷官貴州提督



俞金鼇

商籍乾隆壬戌科歷官湖廣提督

章維

商籍乾隆壬戌科官山東遊擊

李經世

乾隆乙丑科官右西鎮總兵

安廷召

石碑場人乾隆辛未科殿試一甲三名官合州協副將

安廷贊

石碑場人乾隆丁丑科官香山協副將

王有德

乾隆庚辰科官長沙協都司

王元淳

乾隆庚辰科

董果

越支場人乾隆辛巳恩科官臺灣總兵

金坦

乾隆癸未科官潮州遊擊



張鉉

乾隆丙戌科

許世昌

乾隆己丑科官雲南副將

徐淮

乾隆辛卯恩科官臨清衛守備

張世奎

乾隆壬辰科官福建參將

安連陞

石碑場人乾隆戊戌科官廣東都司

俞丕顯

乾隆戊戌科



武舉人

張震

康熙壬子科。

張翥

康熙己卯科。

王元勲

商籍雍正壬子科。

耿雲龍

商籍雍正壬子科。

鄧允斌

商籍雍正壬子科官河南衛守備。

崔裕德

商籍雍正壬子科。

崔裕民

商籍雍正乙卯科。

劉炳

商籍雍正乙卯科。



金國瑛

乾隆丙辰

恩科

韓大中

商籍乾隆戊午科

李燮

商籍乾隆戊午科

李寅

乾隆辛酉科

鄭聿書

乾隆辛酉科

李容

乾隆甲子科

關振強

乾隆庚午科

貝開基

乾隆庚午科

王柱

乾隆庚午科



安彪

石碑場人。乾隆壬申。

恩科。官江南守備。

金國瑞

商籍。乾隆癸酉科。

李鉞

乾隆癸酉科。

丁萬齡

乾隆丙子科。

鄭必成

乾隆丙子科。

韓大夏

乾隆丙子科。

金增

乾隆己卯科。官臨清衛千總。

安琪

石碑場人。乾隆庚辰。恩科。

安如岱

石碑場人。乾隆庚辰。恩科。



楊秉鉞

商籍乾隆壬午科。

郭廷揚

乾隆壬午科官山東衛千總。

樂立敬

乾隆壬午科官江南興武衛千總。

張恩綸

商籍乾隆乙酉科官河保營守備。

安如嶠

石碑場人乾隆戊子科。

臧道隆

乾隆戊子科。

孟永泰

乾隆庚寅恩科官宿州衛千總。

張中吉

乾隆辛卯科。

高雲龍

乾隆辛卯科。



元理

乾隆辛卯科

沈大璋

乾隆甲午科

元管

乾隆甲午科

武應魁

乾隆甲午科

邢士祿

乾隆甲午科

邵文翰

乾隆甲午科

靳登瀛

乾隆甲午科

金城

商籍乾隆庚子科官鎮江衛千總

張世恩

商籍乾隆庚子科



趙沛龍

石碑場人乾隆癸卯科。

張際芳

乾隆丙午科官南溥千總。

李作翰

石碑場人乾隆丙午科官興武衛千總。

呂定平

乾隆丙午科。

張紹甲

乾隆戊申科官濟寧衛守備。

陳鶴年

乾隆戊申科。

郭際泰

乾隆戊申科。

張兆元

乾隆己酉恩科。

郭長清

乾隆壬子科。



附  
商竈籍學額

長蘆商竈籍童生經運司考取彙送學政附入河間考試取撥府庠。每試入文武生各十二名。商竈各半。雍正七年。學院楊超曾題稱。商竈童生。每試有借給納課印票等情。應令地方官查明收考。錄送鹽道再送學政彙考。其入學後月課互結。該教官照民籍生員之例。一體稽查考課。雍正十年。直隸總督劉於義奏稱。天津滄州等處商竈兩籍童生。曩繫考入河間府學。額進文童二十三名。內商竈二籍共取一十五名。武童二十名。連裁京衛分加十五名。共三



十五名。內商竈二籍。共取一十三名。曩因滄津二州爲河間所屬。是以寄於河間府學。今滄津二州縣俱改隸天津府。所有商竈二籍。應請另設商學。照例取商籍文童八名。竈籍文童七名。商籍武童七名。竈籍武童六名。不必另設教官。卽令天津府學就近管轄督率。其現在河間府學商竈二籍生員。悉行改歸商學。其廩增闕。各該二十名。商竈子弟膏火有資。應照舊例。毋容給與廩餼。仍照縣學之例。二年一貢。以示鼓舞。現在之廩增。俱作候廩候增。於歲科考照例補實。其起貢年分。於雍正甲子年爲始。部議準行。



又經御史戈源奏請裁汰商籍學額軍機大臣會同禮部  
議準將各省商籍入學名數酌減以清弊源嗣準山東學  
政姚梁條奏凡商籍本省商人子弟概不準以商籍應試  
於乾隆四十三年十月總督周元理會同學政汪廷瑛奏  
稱直隸商籍應考文童不過二十七名武童不過十六  
七名請以十名取進一名文童額進三名武童額進二名  
卽應試人多亦不得逾此額倘爲數不及十名果有文理  
明順技勇可觀者亦酌取一名否則寧闕毋濫其竈籍均  
應照商籍十名取進一名之例辦理下部議行十二月又



議準直省商籍生員。每科應試不過五十餘名。應遵大學士等原議。照從前鹵字號五十名。取中一名。此後人數雖多。總不得過二名之額。如不滿五十名。不準取中。亦不必排入民卷。有願改回原籍者。準其呈改。其本籍商人子弟。悉改歸本地應試。順天鄉試房考閱卷。有南北籍互相迴避之例。該商等省分不一。其子弟以商字號應試。亦應照例迴避。以杜弊端。請嗣後順天鄉試鹵字號卷。應令商籍同省之考官迴避。併請交該督將現在各商籍列入鹵字號應試者。預期查明原籍何省。咨報順天府。臨場行令內



簾迴避併造冊送部以憑磨勘時查核竈籍住居已久與  
土著無異本無原籍可歸仍照舊歸入北貝字號一體應  
試商籍武生曩未另編字號亦照舊辦理按近年商籍以  
人數不能足額  
皆各歸本籍應試每年歲科兩試長蘆商籍無人應考其  
竈籍則照例考試取進



節孝

王氏利民場人。張生瑞妻。年二十二而寡。苦節五十餘年。  
康熙二十三年旌。

周氏滄州貢生張暹妻。年二十五而寡。孝養翁姑。撫教孤  
子。苦節三十餘年。康熙四十五年旌。

倫氏越支場人。適董錄。年十八而寡。矢志守節以終。

徐氏通判斌女。監生沈繼元妻。年二十而寡。甘貧守志。舅  
姑歿。喪葬盡禮。苦節四十餘年。

劉氏海豐場人。適劉治世。夫歿。遺腹生子。撫孤守志四十



餘年。

王氏海豐場人。李延壽妻。年二十五而寡。貧而無子。苦節四十餘年。

王氏利民場人。張孔昭妻。年二十二而寡。苦節六十餘年。雍正三年。學政給扁獎之。

白氏舉人曾淳妻。年二十淳歿。子復殤。舅老且疾。不能起牀。席氏晝夜奉侍。不離左右。禱於神。剖股合藥。以進。舅疾竟瘳。後以猶子斗保嗣。守節四十餘年。乾隆十四年旌。

辛氏劉尙元妻。年二十九而寡。無子。撫夫猶子。玫爲嗣。尋



卒。氏率婦撫孤孫成立。守節三十七年。乾隆十四年旌。  
靳氏。劉玫妻。辛氏之子婦也。玫歿。氏年十九。事孀姑盡孝。  
撫子象武入庠。象武卒。撫孫鎮成立。苦節六十餘年。卒年  
八十旌。

劉氏。阜財場人。路國治妻。年十九而寡。遺一女。事繼姑盡  
孝。苦節四十五年。

李氏。楊仁滋妻。年二十四而寡。撫孤守志二十五年。乾隆  
十七年旌。子伯璵。中乾隆丙子科舉人。

董氏。越支場人。鄭某妻。矢志苦節。乾隆十八年旌。



劉氏周岐昌妻年二十八而寡守志奉姑撫子成立卒年九十四乾隆二十六年旌。

蔣氏庠生孟宗伊妻年二十二而寡矢志守節撫二子成立卒年六十二旌。

郭氏張璟妻年二十六而寡撫孤守志卒年九十四旌。  
郝氏馮瓚妻年二十六而寡矢志守節孝姑撫幼勤鍼黹以給乾隆二十六年學使金德瑛給扁獎之。

龍氏汝寧府知府圖耀女庠生周鼎妻夫疾刲股以進尋卒氏繼於柩側家人救甦羅守之氏號泣血出月餘不食。



死乾隆二十六年。學使金德瑛給扁獎之子自邵庠生。自  
邠官高州府通判。

魏氏監生胡廷妻。年二十三而寡。苦節撫孤。四十九年。學  
使給扁獎之。

王氏監生孟廷揆妻。年二十四而寡。孝事翁姑。教子成立。  
卒年七十三。學使倪承寬給扁獎之。子永祐舉人。

劉氏豐財場人。武庠生郭之琨妻。年二十七而寡。守節五  
十餘年。學使給扁獎之。

許氏豐財場人。寇廷贊妻。年十九而寡。矢志五十年。卒。學



沈金上松給扁獎之。

王比豐財場人適蘇永健年二十而寡撫夫弟子爲後苦節五十餘年學使給扁獎之。

黃氏郭朝柱妻通書理曉大義言動有則年二十八而寡甘貧守志孝養翁姑苦節二十餘年學使沈初給扁獎之子錫戊申舉人。

田氏商籍監生解洲之妾洲死氏年二十七一子幼弱族人迫之他適氏不可因扁氏於空室中日給粗糲一食數年氏安之撫子守志子良梧庠生氏死時年八十餘乾隆



三十二年旌

解氏山西永濟人崇明縣知縣銘女監生王權妻年二十而寡遺腹生子家極貧或勸其改適氏引刀自刺血流被面遂矢志終身晝夜勤女經以所入養舅姑備喪具舅姑歿盡哀盡禮撫孤守節三十一年乾隆三十四年旌

王氏山西永濟人監生孟挺妻年二十三而寡敬事孀姑撫子成立守節六十九年乾隆四十年旌後以夫兄子銓康官郎中贈封宜人

張氏李榮秀妻夫死守志乾隆四十七年旌



解氏監生張暘妻年二十九而寡撫夫猶子爲後守志四十二年乾隆四十八年旌

劉氏梅珽妻年二十五而寡刲股療姑疾甘貧守志四十餘年乾隆四十八年旌

傅氏庠生繆大超妻矢志撫孤守節三十餘年乾隆四十九年旌

子文璧見孝行

張氏竈戶王國瑞妻年二十六國瑞以忤羣不逞者死遺孤璋甫六歲氏甘貧矢志賴鍼黹存活事老姑越七年子璋年十三始知其父死狀適讐遇赦歸璋懷刃伺之將得



而甘心焉氏泣謂璋曰報仇者死爾獨不思爾父遂無後  
耶璋始泣謝及十七將議婚璋以發殮不繼辭之氏曰爾  
父有遺金余藏之十餘年日屢糠覈未肯用者直爲今日  
計耳且子之矢志豈徒自殉其名乎嗣續爲至重也遂爲  
璋娶氏年六十七卒乾隆五十二年旌。

郭氏劉象武之繼妻辛氏之孫婦也年二十五而寡上繼  
兩世苦節事姑撫子三十六年卒乾隆五十二年旌人稱  
爲劉氏三節。

李氏會稽人候選州同李援女年十九適湖南巡撫查禮



之次子泳不越歲而泳歿氏孝事舅姑矢志守節後十年夫弟滋生子繼爲嗣氏撫之成立乾隆五十三年旌。

梁氏庠生棟女監生劉友益妻年二十二而寡遺孤甫八月孀姑老而衰氏甘貧矢志仰事俯畜日勤鍼黹以自給乾隆五十四年旌。

王氏監生繆承恩妻年二十五而寡氏悲痛絕粒者九日淚盡繼以血翁以大義勸之乃不死孝事翁姑撫教幼子成立翁緒任柳州氏在里侍祖姑如事舅姑乾隆五十七年旌。



胡氏庠生李汝嶠妻年二十三而寡守節三十二年乾隆五十八年旌

鄭五妻年二十五而寡無子苦節五十餘年卒

王氏于邦佐妻年二十一而寡撫孤苦節卒年六十一

楊氏呂衛得妻年二十夫死投水甕以殉

凌氏庠生金國相繼妻年二十九而寡遺孤甫兩月撫之成立守節二十餘年卒

張氏金臺妻年二十七而寡守志五十一年卒

章氏沔陽州知州天垣女工詩金讓妻讓病篤氏刲臂淪



湯以進不起氏年二十七誓以身殉投繯幾殞家人救得免氏摧痛深酷尋嘔血死。

魏氏金誥妻年十六而寡絕粒死。

李氏陳文德妻年二十九而寡撫孤守節卒年六十二。

徐氏陳學易妻年二十九而寡撫孤守志三十餘年卒。

武氏州同孟衍道妻年二十五而寡孝事舅姑教子成立卒年七十七。

何氏庠生孟澤清妻年二十八而寡孝事舅姑撫育四子卒年七十四旌。



邵氏王某妻年三十而寡二子皆幼夫弟欲奪其志氏遂攜子歸母家母無子貧而傭於人氏日饘糟糠而舊衣飾與女紅所入貲必固藏不肯用曰吾以爲子娶婦續王氏後也卒以飢寒死

汪氏小字端。縣丞宏金女。幼諳書史。工吟咏。年二十適獻縣主簿王又曾。又曾疾。刲股救之。又曾死。氏矢志守節。事姑維謹。衣必親紉。剪紙作字以訓幼子。子三皆入庠。將請旌。氏不許。曰。守節乃婦人分內事。豈許汝邀名耶。晚年奉佛。誦蓮華經。或令子姪讀書其側。以爲娛。孫八人。曾孫



三八年七十而終

呂氏監生王嘉臣妻年二十一而寡孝事翁姑撫孤成立守節四十餘年卒年六十三。

王氏靜海人。副榜麟女。幼穎慧。端靜精女工。博綜衆藝。而性喜文。五歲時。聞兄輩讀。卽往竊聽。父問曰。女讀書何爲。對曰。學作好人耳。授以經過目。輒成誦。所居近城。一日。譙樓火。瓦石飛迸。家人皆狂奔呼之走。甫出戶。曰。倉卒蹂躪中。吾女子豈可以身與耶。返閉戶。負牆立。有巨石自城飛墮。壞牕入。榻陷。氏堅立不動。火熄。竟無恙。適生員樂權姑。



歿厝於郊。夫粵遊不得歸。氏乃日剋半餐之貲。納撲滿。盈則埋之。積得若干錢。買地以葬。吟咏甚夥。不存稿。曰操觚染翰。與文人學士爭名。非分也。惟南遊草一卷行世。如夜靜風鳴竹。春風雨笑花之句。膾炙人口。子立寬生員。立敬武舉人。官衛千總。立本舉人。

張氏贈通奉大夫查日乾之妾。日乾七十外。遭疾篤。諭遣之。氏跪泣誓不他適。如是數四。日乾卒。氏事正室維謹。長齋一室三十餘年。卒年五十四。

鄧氏郭應第妻。年二十九而寡。舅病噎。將死。氏默禱於天。



封左臂淪湯以進。舅病竟起。有婢偵知。氏嚴戒勿泄。卒年八十四。乾隆五十八年旌。

李氏。監生李在女。竈籍生員楊捷妻。年二十四而寡。誓以死殉。七日不食。家人羅守之。舅泣語之曰。吾自思生平無敗行。祀不應斬。次兒士英雖四十。倘能得二孫。當以一爲爾嗣。爾何死爲。氏乃飲泣守志。後十餘年。士英果舉二男。以次男一崑繼捷後。家益貧。氏撫之成立。入庠。將爲母請旌。氏止之曰。守節婦職也。爾曹聞諸生妻尙許再醮耶。年六十六卒。一崑戊申舉人。



魯氏張釗妻年二十五而寡遺腹生子矢志撫孤卒年七十三。

陳氏閻大妻年二十八而寡撫三子二女家赤貧乞食以食子女卒年六十。

金氏經歷崑女周祐妻年二十四而寡守節五十一年卒。  
查氏趙某妻年二十五而寡無子撫夫幼弟成立守志五十餘年卒。

李氏年二十四適生員趙立功不數月而立功死無子苦節五十餘年卒。



魯氏庠生柴宏勲妻年二十一而寡守志三十七年乾隆六十年旌。

朱氏朝邑縣典史李應昌之妾年二十二應昌卒於官氏撫二子扶櫬歸守志教子四十餘年卒。

孟氏李元良妻年二十三元良病氏刲股療之不能救無子。撫夫兄子爲後守志三十六年卒。

馬氏廩生余大煒繼妻年二十五而寡撫孤守志以終。

蔣氏昌平州同耆年女解某妻年二十二而寡誓以死殉及葬號踊投穴以首觸棺血被面暈絕衆掖救歸仍依父



母居父家赤貧飢寒而死。

朱氏舉人俞邇經妻年二十六邇經之任貴州知縣卒於途無子氏苦節五十餘年卒年八十二。

王氏丁鎬妻年二十二而寡撫繼子成立苦節五十三年卒。

樊氏劉文相妻年二十五而寡矢志以終。

趙氏劉某妻夫卒無子葬夫後自縊死。

劉氏黃在中妻年二十九而寡遺孤銘甫數月苦節撫孤成立以壽終命以白衣殮曰以表吾潔也後銘病篤銘妻



某氏禱天願以身代果病七日而卒。銘遂愈。人謂黃氏世有賢婦云。

金氏年十四適繆曰程。曰程病氏刲股救之。逾年而寡。哭泣嘔血而死。

程氏小字德輝。幼慧。工吟咏。適孫泓。不數月而泓死。氏欲以身殉。遵舅諭。俟夫弟生子。繼爲嗣。後越三歲。夫弟得子。甫三朝。氏潛寄書報父。焚其所著。自經死。時年三十三。

張氏監生孟榆妻。年二十九而寡。守節三十一年。卒。子牲。禔。官衛千總。



徐氏郭鏞繼妻年二十五而寡貧而無子事祖姑撫夫妹侍舅病左右維謹夫弟以子淳嗣氏教育之入庠苦節四十年卒乾隆五十八年旌。

李氏東明訓導宏鑑女監生姚景崇妻舅病篤氏刲股合藥以進疾竟瘳。

徐氏學淵女監生趙立誥妻年二十八而寡無子撫夫兄子之侗爲嗣矢志三十七年卒。

王氏趙大士妻年二十一而寡孝事翁姑撫子成立苦節三十一年卒。



宋氏江蘇長洲人。父惠綏官雲南順寧府知府。寓居天津。年二十一。歸。候選府同知。查世榮甫三載。世榮歿。氏欲以身殉。引簪自刺。救踰時始甦。諸娣姒慰以幸有娠。當自解。氏憬然曰。殉節未亡人之義也。倘得遺孤爲查延一脈。不尤多於殉乎。越月生子有圻。氏匭勉鞠育。以養以教。至於成立。事姑孝謹。操家政勤儉有法。性樂施。會嘉慶六年。京甸雨稜。命子有圻散家資助賑。有

旨褒之。以有圻官刑部郎中。封恭人。

趙氏商籍生員牛蔚文妻。年二十一而寡。矢志守節。撫孤



成立

張氏牛兆升之妾年二十九兆升病氏刲股以進不救正室齊氏繼歿嫡子多隆方在襁褓氏矢志守節撫之成立丁氏王承緒妻年二十六而寡撫遺腹子孝養翁姑甘貧守志五十餘年

李氏候選同知應文女應文病篤氏刲股和藥以進後適增生王昞

解氏王麟妻年二十八而寡翁病經年氏奉侍不倦守志四十餘年



毛氏士耀女。年十八。適王嘉猷。甫七越月而嘉猷死。氏孝事舅姑。甘貧守志。

馬氏金思敬繼妻。年二十一而寡。無子。撫前室子如已子。孝事翁姑。經營喪葬。盡哀盡禮。二子皆成立。

張氏商籍增生。世儒女。適刑部郎中徐瀾之長子禾。禾死。氏年二十二。遺一女。摧痛欲以身殉。父兄諭以大義。氏泣謝曰。夫死。我何生。顧兩世翁姑。我當代夫盡子職。豈忍爲其易者。以重傷堂上心。遂矢志終身。孝事翁姑。無怠色。

金氏廩生徐東鸞妻。年二十一而寡。矢志撫孤四十年。子



炳增生。

朱氏徐濂妻年二十一而寡無子撫繼子大李成立孫熙廩生官衡水教諭

王氏張澧妻年二十一而寡無子夫弟妹三人皆幼氏撫教之倍至及長皆爲經營婚嫁焉嘗繡夫字日夜佩之長齋誦佛朝夕禮日月無月則拜星曰吾以守敬也

趙氏張鑑妻年二十一而寡遺孤甫八月守節四十八年趙氏張樾妻年二十七而寡遺孤幼又遺腹生子撫之皆成立長子濂入庠



李氏張棟隆妻年二十四而寡僅一女苦節四十二年

董氏庠生治女年十九適庠生張士清甫三月而士清死  
投繯以殉救免苦節三十五年

王氏湖南都司有德女適舉人張玉懷年二十四而寡奉  
姑守志

魏氏錦州教授泰女年二十四適張立綱越二載立綱歿  
氏奉養翁姑甘貧守志

邱氏李勝義妻年二十七而寡夫弟亡妻嫁撫其遺女如  
已出守節三十年



魯氏李世昌妻年二十九而寡撫孤守節四十六年

劉氏商籍監生李廷文繼妻年二十八廷文死撫二子皆成立苦節四十五年子晃庠生

張氏邵武縣知縣瑜女李蟠奇妻年二十六而寡孝事翁姑撫子允升成立守節三十年

謝氏監生李應安妻年二十九而寡撫孤守節三十二年  
劉氏李廷貴妻年二十一而寡撫遺腹子成立守志三十年

孫氏李錕妻歲祲疫大作姑與夫俱病氏力疾強起侍湯



藥。封左右股分進之。姑與夫俱痊。氏亦無恙。

王氏。增生李述妻。年二十五而寡。貧而無子。撫夫猶子爲嗣。事舅姑至孝。苦節二十八年。嘉慶元年旌。

張氏。庠生李汝端繼妻。年二十七而寡。矢志撫前室子。孝事翁姑。

王氏。候選州同爲成女。適劉錦。年十九。錦死。撫遺腹子。孝事孀姑。

敖氏。吳世梅妻。年二十八而寡。無子。撫嗣子。守節四十年。劉氏。韓大模妻。年二十四而寡。子亦繼死。就養壻家。守節。



四十三年。

張氏康起鵬妻。夫病。刲股療之愈。

于氏何元通妻。年二十七而寡。守節二十餘年。

趙氏楊廣義妻。廣義素患瘵。合卺成禮後。卽異室居。氏刲股療之愈。客於外。疾復作。歸而死焉。蓋迄未成婚也。氏年二十二。守志終身。氏母嘗刲股救姑云。

劉氏楊鍾澤妻。翁友豹。官守備。晚失明。一夕火及室。鍾澤外出。氏奮身躍火中。負翁出。焦灼無完膚。而翁得無恙。

齊氏武舉人楊璉繼妻。年二十九而寡。苦節三十年。嘉慶



元年旌子壽昌丙午舉人。

趙氏岸生余文煥妻年二十二而寡孝事翁姑撫孤守志張氏孫杰士妻年二十八而寡甘貧苦節撫孤成立。

韓氏孫明遠妾年二十明遠死僅一女氏矢志終身事正室維謹守節二十五年。

徐氏學淵女商籍廩生杜宗甫妻年二十九而寡撫孤守志嘉慶元年旌子申己亥舉人。

穆氏蕭經妻年二十一而寡守節四十八年嘉慶三年旌楊氏高文通妻年二十一而寡止一女苦節守志以鍼黹



自給。

向氏丁樹妻。年二十八而寡。遺孤又殤。氏孝事翁姑。甘貧苦節三十四年。

陳氏駱鳳書妻。鳳書以父喪哀毀成疾卒。氏年二十八。孝事老姑。撫子成立。守節三十二年。

周氏陳文炳妻。年二十四而寡。撫孤守節四十八年。

宋氏陳以敬妻。年二十五而寡。矢志守節。撫孤成立。

曹氏廩生鄭士俊妻。刲股療愈夫疾。

王氏趙某妻。年二十六而寡。夫弟婦丁氏亦寡。娣姒相依。



矢志守節。

侯氏梅龍圖妻年十八而寡。孝事翁姑。苦節二十餘年。

董氏富國場人。實文科妻年二十六而寡。事姑盡孝。撫孤永麟成立。苦節五十年。永麟妻趙氏年二十六而寡。亦甘貧撫孤守節。

沈氏章文堂妻年二十八而寡。赤貧勤鍼黹以養姑育子。積勞成癯。苦節二十二年。

孟氏關容妻年二十八而寡。翁客遊於外。祖姑在堂。撫孤保孤。饜糟糠。事育皆賴氏。指出夫弟品。繼容死。聘妻吳



氏守貞不字。遂來歸於關。時氏子已殤。惟姊姒相依居一室。勤紡績。甘貧苦節。後繼夫兄子經義爲嗣。二人共撫之。乾隆五十七年。俱旌。容有世父維印者。客死。妻劉氏年二十三。矢志守節。孝養舅姑。撫夫弟子。哲成立。遣嫁二小姑。子哲。甲子武舉人。里皆稱關家三節云。互見貞女。

張氏段成式妻。年二十三而寡。事舅姑。撫繼子。甘貧苦節。二十三年。

劉氏年十八。適段秉鏞。逾歲而寡。無子。事翁姑。矢志苦節。龔氏段秉義妻。年二十九而寡。甘貧守節。二十二年。



董氏晉州訓導沈承壇繼妻年二十四夫亡守志事翁姑至孝撫前室子女教養皆成立。

馮氏黃煇妻年二十六而寡撫孤守節三十餘年。

張氏貢生曹翰青妻年二十八而寡矢志守節孝事翁姑教子成立。

金氏廩生臺女許文麟妻年十九而寡甘貧守志孝事孀姑苦節二十餘年。

湯氏商籍增生楊瑚繼妻瑚死氏年二十八遺幼子二妾張氏年十六皆欲以身殉氏母諭以當撫孤不當死氏與



妾遂相戒相勸而守志焉。妾舉遺腹生一女。二氏終始以勤儉自持。撫二子與女。以養以教。皆成立。歷三十年。嘉慶三年。雙旌。

李氏。商籍監生金雨倉妻。年二十九而寡。撫孤守節四十二年。卒年七十一。

高氏。金德存妻。年二十九而寡。無子。苦節三十年。

呂氏。商籍監生張中孚妻。年二十八而寡。孝事翁姑。撫孤守節三十一年。

阮氏。商籍監生龍筠妻。年二十一而寡。無子。矢志守節五



十年無疾而卒。

殷氏。豐財場竈戶李鈞妻。年二十五而寡。遺孤亦相繼死。撫族子爲嗣。守節三十一年。

金氏。商籍武舉人國瑞女。宋德成妻。年十六而寡。矢志守節。

張氏。商籍監生王漣妻。年二十四而寡。遺二子俱幼。氏撫之成立。矢節二十六年。

沈氏。商籍監生韓鑄妻。年二十五而寡。遺孤生甫兩月。氏矢志守節。事翁姑。撫子女。佐理家計。勤儉有則。夫弟錡官。



總兵偕之任欲爲請旌氏止之曰

國家旌典原以愚婦無知苟能守斯獎廟之爲不能者勸也  
余爲士大夫家婦尙粗知大義所不以身殉者徒以舅姑  
老藐孤未立今烏可濫

國典而博虛名乎事遂已及子大紳長復謀請旌氏厲色責  
之至愀然泣下前後當翁姑喪盡哀盡禮歷五十九年卒  
年八十四

王氏方來女庠生金肯堂繼妻年二十六而寡無子姑老  
女幼氏甘貧矢志仰事俯育繼夫猶子紹爲嗣苦節四十



七年。

安氏。石碑場人。陳雙和妻。年二十而寡。守節三十餘年。

史氏。石碑場人。安得謙妻。年二十一而寡。守節二十七年。

吳氏。解良彬妻。良彬死。氏年二十四。遺二子俱幼。氏仰天

號泣曰。夫死與死。分也。舅姑老矣。二子皆襁褓。若何遂矢

志守節。家極貧。經營翁姑喪。教育二子。成立苦節四十年。

張氏。孟永烈妻。年二十二而寡。家貧。氏孝事翁姑。撫孤矢

志。

劉氏。濟民場人。常世則妻。年二十一而寡。無子。矢以死殉。



有孀姑老且病。曲諭之繼以嗣。氏事姑撫子。守節三十七年。

徐氏守備某女。適主簿朱鴻文子紳。年二十九而紳歿。遺一女。時姑已先亡。翁客豫久不歸。家甚貧。日常一食。冬無絮衣。飢寒苦志。惟以鍼黹自給。爲夫弟婚。尋夫弟亦死。翁猶客未歸。毋女熒熒無依倚。日望翁歸。而翁竟歿於豫。氏得耗哀痛。會有爲昇翁柩至。氏極力丐轉經營。並兩世翁姑之浮厝者凡五柩。皆安葬焉。女長。擇壻嫁之。子然獨處。苦節二十餘年。



## 貞女

梁女富國場竈戶梁進忠者負薪河干有抱女自官船下者授進忠曰此女生八月矣其父之官卒於舟母亦繼殞可善撫之進忠遂哺以爲女進忠有長女已嫁夫家貧不能存活復歸母家性悍而險虐遇女父母弗能禁及女年十三見女貌端好陰與媒氏謀將鬻之女知之忿然曰奈何賤置我耶疇買我當以尸畀之姊益銜之有袁進舉者亦業煮鹽落魄無偶且年將三十姊愆與父母許婚進舉將娶又陰沮之越三年進舉外出不知其蹤跡有傳其已



死者姊遂謀絕於袁袁母持婚書來女閉戶遙語曰吾志已定欲以不義迫我處今日者惟死而已袁母知其不可奪而返姊赫然怒摔女髮橫加箠掠鄰之來救者皆罵絕進忠不忍視毆長女長女赴水投繯擾不已父母愈不敢爭女受楚毒無悔怨年二十八父脛生疽危甚女割股以進竟痊家人皆不知是時姊虐之愈甚動絕飲食袁母感女之志且憐之也遂迎歸焉越月父病姊亦病女歸事之如常父姊相繼歿女極力營葬之舅歿姑老夫弟幼弱女殫力鉞耨償負債佐餽粥舉家賴以存活復迎梁母來同



居袁母年八十四。梁母年七十七。生養死葬。皆從女十指出。姊有子流離。復召而鞠之。爲夫弟娶婦。又爲姊子娶婦。撫夫弟子紹安爲嗣。乾隆四十五年旌。五十六年。女以夫既有後。已志旣遂。竟自經死。有司葬之天津西門外五烈墳側。

張女名懷清。訓導廷錡女。字王某。未嫁而壻死。女潛製白布帛。閉門投水甓死。合葬於壻墓。

姜女幼字周貴思。未婚而貴思溺死。父母欲奪其志。女遂自經死。周族請其骸合葬於壻墓。



裴女張士孟之聘室未嫁而士孟死女年二十三父母已改字之及迎娶促之入與女大號慟哀動鄉閭婚遂沮鳴於有司卒歸張而守志焉

王女許字劉大未嫁而夫死女年十四父母欲奪其志不可日勤女紅以自給父母歿依孀妹以居守貞四十二年謝女父某業雌女許字山陰沈某年二十沈某死女欲以身殉父母不能奪其志遂歸于沈守貞依慕以終其身

吳女許字關品品死女守貞不字歸於關時品有寡嫂孟氏矢志守節女遂與孟氏共居一室勤鍼黹相扶持甘貧



苦數十年。乾隆五十七年俱旌。

丁女父萬鍾女許字全州州同宋懋敬子文鳳女幼孤依  
孀母朱氏日勤鍼黹嫺禮儀文鳳以攻讀積勞卒女年十  
九聞之啜泣絕粒投繯者再母曲諭之不可晝夜攜持之  
相對而泣戚黨咸來相勸慰女堅操不可奪母無如何乃  
告於宋迎歸焉繼猶子爲嗣女撫文鳳柩哀痛成喪禮日  
侍孀姑側貞靜寡言笑數年不出閨闥雖女帛往來罕觀  
其面。

王女父祿朋官雲南迤東道女幼許字長蘆運同莊士寬



之子心咸心咸以攻讀積勞卒女時年二十一立志守貞  
矢死靡他母勸慰之不能奪其志謀于莊迎之歸女登堂  
拜翁服衰麻撫棺大痛自是日減粒食惟期速死以殉越  
六月果無疾卒

葉女幼許字官聖朝未結褵官聖朝以運庫大使試用長  
蘆疾卒官所葉女聞訃痛欲以身殉合家防守苦勸喻以  
恐傷父母之心女矢志守貞乃請於父母遣輿詣翁家衰  
麻臨喪事舅姑執婦禮誓以一朝終古焉葉女嘗聖朝俱  
浙之遂昌人因官遊宦長蘆例得附書於志



長蘆鹽法志卷十七終

長蘆鹽法志

卷十七  
人物  
貞女

完